

# NYC পাবলিক স্কুলগুলোতে কী কী ঘটছে

[عرض هذه الوثيقة باللغة العربية](#) | [এই নথি বা ডকুমেন্টটি বাংলায় দেখুন](#) | [查看本文件的中文版](#) |

[Consultez ce document en français](#) | [Gade dokiman sa a an kreyòl ayisyen](#) |

[이 문서를 한국어로 보기](#) | [Consulte este documento en español](#) |

[Перевод документа на русский язык](#) | [به دستاویز اردو میں ملاحظہ کریں](#)

[schools.nyc.gov/messagesforfamilies](https://schools.nyc.gov/messagesforfamilies)

## ডিসেম্বর 12, 2022-এর সপ্তাহ

আমরা উইন্টার-এর (শীতের) দিকে অগ্রসর হবার পথে, আমরা তুষার ঝড় বা অন্যান্য আবহাওয়াজনিত পরিস্থিতির মুখোমুখি হতে পারি যার জন্য ঐ দিনের জন্য স্কুল ভবনগুলো বন্ধ রাখতে হতে পারে। এবছর যদি নিউ ইয়র্ক সিটি পাবলিক স্কুল ভবনগুলোকে দুর্যোগপূর্ণ আবহাওয়ার কারণে বন্ধ রাখতে হয়, তাহলে **সেদিনের জন্য রিমোট লার্নিং (দূর থেকে শিক্ষণ) পরিচালনা করা হবে**। কিভারগার্টেন এবং উপরের গ্রেডের শিক্ষার্থীরা বাড়ি থেকে তাদের ক্লাসে লগ অন এবং অংশগ্রহণ করবে বলে প্রত্যাশিত। যেসব ছেলেমেয়ে LYFE-এ অথবা কোনো এলিমেন্টারি স্কুল অথবা প্রি-K সেন্টারে কোনো 3K বা প্রি-K প্রোগ্রামে আছে, তাদেরকে তাদের প্রোগ্রামের রূপরেখা অনুযায়ী রিমোট লার্নিং কার্যক্রমে অংশগ্রহণ করতে হবে।

পুরো ব্যবস্থা জুড়ে দূর থেকে বা রিমোটভাবে শিক্ষাদান ও শিক্ষা অর্জনে আমাদের সক্ষমতা, স্কুল ভবন বন্ধ থাকাকালেও আমাদের শিক্ষার্থীদের সাথে কাজ করা অব্যাহত রাখার সুযোগ দেয়। অতীতের বছরগুলোর মতই, দুর্যোগপূর্ণ আবহাওয়ার কারণে কখন NYC ডিপার্টমেন্ট অভ এডুকেশনের (DOE) স্কুল ভবনগুলো বন্ধ থাকবে, তা আপনাকে জানানো হবে এবং আপনার স্কুল আপনাকে বাড়তি তথ্য প্রদান করবে। আপনার কোনো প্রশ্ন থাকলে অনুগ্রহ করে আপনার প্রিন্সিপালের সাথে যোগাযোগ করতে দ্বিধা করবেন না।

পরিবারদের প্রস্তুত হতে সহায়তা করার জন্য, কীভাবে রিমোট লার্নিং টুলস্ (দূর থেকে শিক্ষায় ব্যবহার্য উপকরণ) এবং প্ল্যাটফর্ম ব্যবহার করতে হবে, এবং স্কুল ভবন বন্ধ থাকা সম্পর্কিত সর্বশেষ তথ্য ও NYC পাবলিক স্কুল থেকে পাওয়া অন্যান্য গুরুত্বপূর্ণ খবর আপনি পেতে পারেন তা কীভাবে নিশ্চিত করবেন, এই চিঠি সেটার ব্যাখ্যা দেবে।

তদুপরি, এই মৌসুমে রেসপিরেটরি সিনসিশিয়াল ভাইরাস (RSV)-এর মতো বিভিন্ন ফ্লু ও অন্যান্য শ্বাস-প্রশ্বাসের জন্য ক্ষতিকর ভাইরাস উচ্চ হারে ছড়িয়ে পড়ার প্রেক্ষিতে আমরা স্কুলে ও অন্যান্য অভ্যন্তরীণ পরিবেশে মাস্ক ব্যবহার সংক্রান্ত হালনাগাদকৃত সুপারিশসমূহ জানিয়ে দিচ্ছি।

## দূর থেকে শিক্ষা (রিমোট লার্নিং)

### ইন্টারনেট-সংযুক্ত ডিভাইস

রিমোট লার্নিং (দূর থেকে শিক্ষণ)-এ অংশগ্রহণের জন্য শিক্ষার্থীদের প্রয়োজন হবে একটি কম্পিউটার, ল্যাপটপ, বা আইপ্যাড যা ইন্টারনেটে সংযুক্ত হতে পারে। বাড়িতে আপনার সন্তানের একটি ইন্টারনেট-সংযুক্ত ডিভাইস না থাকলে, আপনার সন্তানের স্কুল থেকে একটি DOE-এর ডিভাইস ধার করতে পারবেন। আপনার সন্তানের DOE-এর ডিভাইস প্রয়োজন হলে অনুগ্রহ করে এখনই আপনার স্কুলে অনুরোধ জানান; আবহাওয়া জনিত কারণে স্কুল বন্ধ হওয়া পর্যন্ত অপেক্ষা করবেন না। DOE-এর কাছ থেকে ধার নেয়া আইপ্যাড বা ল্যাপটপ কীভাবে ব্যবহার করবেন, সেটা [schools.nyc.gov/ipad](https://schools.nyc.gov/ipad) থেকে জানতে পারবেন।

## DOE স্টুডেন্ট অ্যাকাউন্ট

যেসব DOE টেকনোলজি প্ল্যাটফর্মসমূহ শিক্ষার্থীদের রিমোট লার্নিং-এর জন্য প্রয়োজন, DOE অ্যাকাউন্ট-এর মাধ্যমে তারা সেগুলো ব্যবহারের সুযোগ পাবে, আপনার সন্তানের স্কুলে এনরোল বা তালিকাভুক্ত হবার সময় স্বয়ংক্রিয়ভাবে এই অ্যাকাউন্ট তৈরি হয়েছে। আপনি আপনার সন্তানের DOE অ্যাকাউন্ট দেখতে পারবেন আপনার স্কুলের দেয়া ইউজারনেম এবং পাসওয়ার্ড ব্যবহার করে [টিচহাব \(TeachHub\) \(teachhub.schools.nyc\)](https://teachhub.schools.nyc)-এ সাইন ইন করে। আপনি সন্তানের ইউজারনেম এবং পাসওয়ার্ড সম্পর্কে নিশ্চিত না হলে অনুগ্রহ করে [selfservice.schools.nyc](https://selfservice.schools.nyc) দেখুন অথবা আপনার স্কুলে সহায়তা অনুরোধ করুন।) সেখানে, শিক্ষার্থী ও পরিবারেরা সকল DOE আবেদনপত্রে এক ক্লিকে সংযুক্ত হতে পারেন। প্ল্যাটফর্মগুলোর মধ্যে আছে মধ্যে রয়েছে, তবে এতেই সীমাবদ্ধ নয়:

- টিচহাব (TeachHub)
- গুগল ফর এডুকেশন (গুগল ক্লাসরুমও অন্তর্ভুক্ত)
- আইলার্নNYC (iLearnNYC)
- মাইক্রোসফট অফিস
- জুম (Zoom)

DOE অ্যাকাউন্ট সম্পর্কে আরও জানতে [schools.nyc.gov/studentaccounts](https://schools.nyc.gov/studentaccounts) দেখুন।

## প্রযুক্তিগত সহায়তা

DOE ডিভাইস বা অনলাইন লার্নিং প্ল্যাটফর্ম নিয়ে কোনো সমস্যা হচ্ছে কি? আমরা সহায়তা করতে পারি! সাপোর্টহাব-এ আপনি বহু সাধারণ প্রশ্নের উত্তর পেতে পারেন অথবা একটি সাপোর্ট টিকেট খুলতে পারেন: [supporthub.schools.nyc](https://supporthub.schools.nyc)।

## যোগাযোগ বজায় রাখুন

### নিউ ইয়র্ক সিটি স্কুলস্ অ্যাকাউন্ট

স্কুল ভবন বন্ধ হওয়া সম্পর্কিত সংবাদ পাওয়ার সবচেয়ে সহজ পথগুলোর একটি হলো নিউ ইয়র্ক সিটি স্কুলস্ অ্যাকাউন্ট, কিংবা NYCSA: [schoolsaccount.nyc](https://schoolsaccount.nyc) -এর মাধ্যমে আপনার যদি এখনো একটি NYCSA অ্যাকাউন্ট না থাকে এবং আপনি আরও জানতে আগ্রহী হন, তাহলে [schools.nyc.gov/nycsa](https://schools.nyc.gov/nycsa) দেখুন। সন্তানের স্কুলের সাথে সংযুক্ত থাকতে, সন্তানের গ্রেড সম্পর্কে খোঁজ-খবর রাখতে, এবং অন্যান্য গুরুত্বপূর্ণ খবর, যেমন স্কুল ভবন বন্ধ থাকার ব্যাপারে সতর্ক সংকেত পেতে আমরা সকল পরিবারকে একটি NYCSA অ্যাকাউন্ট তৈরির আহ্বান জানাই।

### অনলাইনে NYC পাবলিক স্কুল

NYC পাবলিক স্কুলগুলোতে যা যা ঘটছে, সেগুলো সম্পর্কে সজ্ঞাত থাকুন! আমাদের ওয়েবসাইটে চোখ রাখুন এবং সকল সর্বশেষ সংবাদ—এর অন্তর্ভুক্ত আছে স্কুল ভবন বন্ধ সম্পর্কিত জরুরি তথ্য পেতে—সোশ্যাল মিডিয়াতে @NYCSchools অনুসরণ করুন। আমাদেরকে খুঁজে নিন:

- আমাদের অফিশিয়াল ওয়েবসাইটে: [schools.nyc.gov](https://schools.nyc.gov)
- টুইটার-এ: [twitter.com/nycschools](https://twitter.com/nycschools)
- ফেসবুক-এ: [facebook.com/nycschools](https://facebook.com/nycschools)
- ইনস্টাগ্রাম-এ: [instagram.com/nycschools](https://instagram.com/nycschools)

## শিক্ষার্থী ও পরিবারদের জন্য মাস্ক ব্যবহার সম্পর্কিত সর্বসাম্প্রতিক তথ্য

আমাদের শিক্ষার্থী এবং স্টাফদের সুরক্ষা আমাদের সর্বপ্রধান প্রাধান্য। আমরা যখন উইন্টার-এর (শীতের) দিকে অগ্রসর হচ্ছি, তখন ফ্লু ও অন্যান্য শ্বাস-প্রশ্বাস জনিত পরিস্থিতির উচ্চ হারের প্রেক্ষিতে NYC ডিপার্টমেন্ট অফ হেলথ অ্যান্ড মেন্টাল হাইজিন (DOHMH) স্কুল এবং ডে-কেয়ার সেন্টারসহ সকল অভ্যন্তরীণ পরিবেশের জন্য একটি সামগ্রিক অভ্যন্তরীণ মাস্ক ব্যবহারের সুপারিশ জারি করেছে

([nyc.gov/site/doh/about/press/pr2022/health-department-issues-commissioners-advisory.page](http://nyc.gov/site/doh/about/press/pr2022/health-department-issues-commissioners-advisory.page))।

বরাবরের মতই, যেহেতু আমরা সব সময় আমাদের স্বাস্থ্য বিশেষজ্ঞ, এবং DOHMH-এ আমাদের অংশীদারদের দেয়া নির্দেশনা অনুসরণ করি, **আমরা সকল শিক্ষার্থী ও স্টাফদের ভবনের অভ্যন্তরে একটি ভালভাবে ফিট হয়, তেমন মাস্ক পরার জোর সুপারিশ করছি।** আমাদের সবগুলো স্কুলে মাস্ক পাওয়া যায়--যদি আপনার সন্তানের একটি মাস্ক প্রয়োজন হয়, সাহায্যের জন্য তার স্কুল স্টাফের কাছে বলা উচিত। এছাড়াও আমরা আমাদের স্কুল কমিউনিটির সবাইকে ফ্লু এবং COVID-19-সহ সর্বশেষ ভ্যাকসিন গ্রহণ করতে উৎসাহ দেই।

নিউ ইয়র্ক সিটি পাবলিক স্কুলগুলোতে COVID-19 সংক্রান্ত স্বাস্থ্য ও সুরক্ষা বিষয়ক সাবধানতা ও পথ-নির্দেশনা সম্পর্কিত আরও তথ্যের জন্য [schools.nyc.gov/covid19](http://schools.nyc.gov/covid19) দেখুন।